

疆

識

畧

豫識畧二十九卷

崇陽吳楚材國賢編 武昌吳時泰文彙校

寶珍部

金 釋名禁也氣剛毅能禁制物也金銀銅鐵鉛錫
之總名說文五金黃爲之長久埋不生百陶不輕
西方之行也叅同契黃土金之父流珠水之母晉
書鄱陽樂安出黃金鑿土十餘丈披沙得之大如
豆小如粟米爾雅黃金謂之灋其美者謂之鏐餅
金謂之釵絕澤謂之銑西南之美者有華山之金
石焉拾遺記少昊氏金鳴於山銀涌於地或如龜

蛇之類秦以一鎰爲一金重一斤

鎰二兩

漢以一斤

爲一金

一兩曰金

銀 爾雅白金謂之銀其美者謂之鐐禹貢梁州厥

貢銀荊州厥貢惟金三品注金銀銅也漢書曰朱

提銀重八兩爲一流直千五百八十他銀一流直

一千是爲銀貨漢建元中又造銀幣其文龍馬龜

三等

注雜銀錫爲白金少陽之山多赤銀見山海經太宗賜房玄齡黃銀帶見唐書

藥金 水銀及銅鐵用藥煮成者淮南王招致方術

士言神仙黃白之術劉向父德武帝時治淮南獄

得其書獻之言黃金可成上令尚方試之不驗

孟

說至劉惔之家見賜金曰此葉金也燒之火有五
色試之果然又詐金葉見格古要論

水銀 廣雅云水銀謂之頌合壁注採山石中麤次
朱砂作鑪置砂於中下承以水上覆以盎器外加
以火煨養則煙飛於上水銀留於下皆非造化自
然也夏侯嘉正爲館職平生好燒銀常曰吾得見
水銀銀一錢知制誥一日無恨矣

銅 漢食貨志金有三品赤金爲下赤金銅也漢書

度量衡用銅者所以同天下齊風俗也銅爲物至
精不爲燥濕寒暑變其節不爲風雨霜露改其形
有似乎士君子之行是以用銅也平準書銅錢識
曰半兩重如其文爲下幣游經自言嘗究講有膽
水可以浸
鐵成銅

鐵 禹貢梁州貢鐵鑊注鑊剛鐵也山海經荆山其

陰多鐵又鐵黑金也漢元封元年桑弘羊始均輸

鹽鐵

鑊鐵出西番
錠鐵出甘肅

鉛 青金也青州貢宋閩蜀湖廣江浙皆有坑冶茅

君與尹軌化鉛成銀皆本淮南術見神仙傳

錫 周禮職金掌金玉錫石丹青之戒又臬氏爲量

改煎金錫

又金有六齊六分其金而錫居一謂之
鍾鼎之齊五分其金而錫居一謂之斧

斤之齊四分其金而錫居一謂之戈戟之齊三分
其金而錫居一謂之大刃之齊五分其金而錫居
二謂之削殺矢之齊金錫半謂之鑿鑿之齊詩如
金如錫

玉 揚州厥貢璫琨雍州厥貢球琳琅玕見禹貢俱

美玉也大傳堯致舜天下贈以昭華之玉舜修五
玉湯受大球大戴禮玉在山而木潤按玉出西域
于闐國有五色白如酥黃如栗碧如靛黑如漆紅
如鷄冠者最貴菜玉非青非綠如菜葉此玉色之
最低者又禮記君子比德於玉德有五見五經通
義逸論語曰玉十謂之區治玉謂之琢亦謂之雕
瑳玉色鮮白也瑩玉色也瑛玉光也瓊赤玉也璿
瑾瑜美玉也璵舞三采玉也玲瓏瑱璠玉聲也
璫玉佩也瑱充耳也璫玉飾以水藻也

說文珣玕璵皆賢無

問王周書所謂夷王也球玉磬也山海經曰珣二
王相合瑁琬夷蠻係耳玉也藍田出美玉如藍故

曰藍田瑞應圖王甕不汲自盈王者飲食有節則
出不藏金玉則紫玉見服飾不逾則玉英出瀛洲
有玉膏名曰王酒杜陽編云唐順宗時西域進二
王圓者龍王投之水缸甕出焉方者虎王以虎毛
拂之即紫光迸
逸而百獸懾

琬琰 燉煌紀年曰桀伐岷山岷山女于桀二女曰

琬曰琰桀愛二女無子刻其名於苕華之玉苕是

琬華是琰

壁 完玉也方中圓外曰璧壁之爲言積也內圓象

地外圓象天見白虎通有盈尺之璧又有玄璧蒼

壁 周禮古穀壁蒲壁晉垂棘之壁楚和氏之璧王

肉倍好謂之璧好倍肉謂之瑗肉好若一謂之環

璫璣 逸論語曰璫璣魯之寶玉也孔子曰美哉璫
璣遠而望之煥若也近而視之瑟若也一則理勝
一則孚勝

六器 周禮玉作六器以禮天地四方蒼璧禮天黃
琮禮地青珪禮東方赤璋禮南方白琥禮西方玄
璜禮北方

六瑞 周禮以玉作六瑞以守邦國王執鎮圭公桓
圭諸侯信圭伯躬圭子穀璧男蒲璧書五王注五
王五等諸侯

所執者即五瑞
也詳服飾部

珠 漢書珠蚌中陰精也玢璫明珠色也璣珠不圓

也夫餘出珠大如酸棗珠母者大珠在中小珠環之見七經義廣陽出青珠博南有光珠有黃白青碧珠河鈎老國出金珠又館陶出明珠林邑獻火珠玄宗有上清珠張說有記事珠又白蚌珠長三寸半在漲海中又三珠樹生赤水上樹如栢葉皆爲珠見山海經初學記云採珠常三月五牲祈禱不然風攪海水或大魚在蚌左右南越志珠有九品大五分以上至一寸入九分爲次滑珠次礫礫珠神異經西北金闕有明月珠徑二尺光照二千里魏畧大秦國出夜光珠拾遺記少昊時鳳鳴明珠致於鹿夷王者德至淵泉則珠出又帖木兒照世珠

琅玕

雍州貢琅玕見禹貢崑崙崑崙有琅玕樹蜀都賦

青珠琅玕謝玄卿見丹柯碧葉五音相節名琅玕

樹見續仙傳

說文琅玕石之似玉者青琅玕一名珠圭又木難珠其色黃生東夷瀛繁

露云出翅鳥口中結珠所成碧色珠也

珊瑚 三輔黃圖漢積翠池中有珊瑚高一丈二尺

云南越王所獻號烽火樹珊瑚樹生海中山陽處水底初生水底磐石上白如菌一歲黃三歲赤海人以鐵網取之其色如銀珠鮮紅樹身高枝柯多者爲勝但有髓眼及淡紅色者價輕此物貴賤並隨珠珠枝柯斷者用釘稍釘定熔紅蠟粘暗接宜仔細看之

瑪瑙

爾雅石次玉文帝賦云玉屬也文理交錯有

似馬腦出北地南番西番以紅多者爲上其中有
人物鳥獸形者最貴有錦花者謂之錦紅瑪瑙有
漆黑中一線白者謂之合子瑪瑙有黑白相間者
謂之截子瑪瑙有紅雜色如絲相間者謂之纏絲
瑪瑙俱貴有淡水色者謂之漿水瑪瑙有紫紅色
者謂之醬斑瑪瑙有海螯色鬼面花者俱低

拾遺記丹

丘之野多鬼血化為丹石則瑪瑙也丹丘千年一
燒按開元中龜茲國進瑪瑙枕武宗有瑪瑙櫃裴
行儉有瑪瑙盤字俱作瑪瑙十洲記黃帝有瑪瑙
甕耳露在其中堯時猶存舜時漸滅謂之寶露

水晶

廣雅謂之石英又千年冰化爲水晶性堅而

脆刀刮不動色白如泉清明而瑩無纖毫瑕玷擊
痕者為佳倭國水晶第一南水晶白北水晶黑信
州水晶濁凡器皿貴素但碾花者必有節病處假
水晶用藥燒成者色暗青有氣眼亦有白色黃青
色但不潔白明瑩謂之硝子

玳瑁 亦作頗黎天竺有碧頗黎鏡面廣尺五寸重

四十斤梁文帝令有司筭之約價錢百萬貫

事物考云

出南蕃有酒色紫色白色似水晶器皿背多碾兩
點花兒其藥燒者入手輕有氣眼似琉璃又玄中
記五色惟
紅最貴

玳瑁 周書五會伊尹謂湯曰請以璚瑁為獻本草

云生嶺南山水間蓋龜類也里人刺其血飲以解諸藥毒大如帽似龜甲文生帶之有虫毒其甲自搖動若死無此驗黃多黑少者有黃黑相半者其黃如蜜黑如漆最佳其低者黑白不分或黃黑散亂又有龜筒色似玳瑁而無班文

鶴頂紅 南番大海中有鶴魚頂中鮓紅如血可作帶名曰鶴頂紅

琉璃 韻集曰火齊珠也本作璫璃似玉漢西域傳相如賦並作流離魏畧大秦國出赤白黑黃青綠紺縹紅紫十種又琉璃本質是石欲作器以自然

灰治之自然灰狀如黃灰生南海亦可浣衣用之

不須淋但投之水中滑如苔石

又魏太武時大月氏國人自云能鑄

琉璃既成光澤美於西來者乃詔爲行殿自此中國琉璃遂賤云

琥珀

一名江珠見博物志本草松脂入地千年化

爲琥珀今太山有茯苓無琥珀益州永昌出琥珀

無茯苓又云出南番西番其色黃而明瑩潤澤若

松香色紅而且黃者謂之明珀有香者謂之香珀

有鵝黃色者謂之蠟珀俱價輕深紅色者出高麗

倭國其中有蜂蟻松枝者可愛

神寶 嘗有降真香節內及木節內生成真武像有

石中及蚌中生成觀音像

國朝永樂中孝陵碑鑿石于石中得一白石龜

今在南京內府奉先殿正統中貴州硃砂中有生成觀音像又鬼功毬鬼功石以精妙非人功也見

格古要論

貝

海介蟲也禹貢揚州厥篚織貝碩命大貝在西

房又文貝古者貨貝而寶龜至周而有泉到秦廢

貝行泉見說文貝居陸森在水蝸大者鮡小者鯖

紫玄貝胎貝

色黑餘蚶文黃白

餘泉

白黃文詩貝

蚶傳

而頽蝸大而儉鯖小而脩楚辭貝闕兮朱宮魯僖

公時淮夷獻大貝

雲母 抱朴子云雲母石五色其佳者名雲英淮南

術入地千歲不朽塗足棘不能刺又雲母可致水
又玕琪石之似王者又碧石之美者萇弘血化為
碧又武夫又珉石次王者又瑤石之美者又瑊又
瑊皆石又璿瑰玢瑰又可以金剛石狀如珠堅利無匹
金雜者又火齊出天竺如雲母而色紫裂之則薄
如蟬翼積之則紗縠之重者杜誤以為珠乃曰堆
金盤也見
寰宇記

碑渠 廣雅石次玉也記云出天竺國文帝碑渠枕

賦玉屬也多纖理縵文方者如矩圓者如規尚書

曰散宜生輩之江淮之浦取大貝如車渠陳於紂
庭然則車渠非大貝也特貝之大者可比車渠耳
不知車渠又何物也見御覽車者車也渠者輶迹
也孟子謂城門之軌者是也又云形似蚌

瑟瑟 楊貴妃有寵帝幸華清宮瑟瑟璣琲狼籍于道盧昂有瑟瑟枕大如斗或云至寶無價或云美石非真瑟瑟號國夫人以金盆貯瑟瑟二斗

錢 周官泉府泉錢也其藏曰泉其行曰布取名流

行無不徧也太公爲周立九府圜法圜即錢也錢

名青鳧見淮南子一作青蚨又鮫文名輕影錢又

鵝眼揄笑飛錢上清童子見岑文本紀黃金為父

白銀為母鉛為長男錫為適婦天性剛堅湏火終

始體圓應乾孔方效地見綦母氏錢神論按管子曰湯七

年旱禹五年水湯以莊山禹以歷山之金並鑄幣以救人困至周太公立九府圜法始名以錢錢圓

合方輕重以銖其文無見蓋錢文以寶自周景王
大錢始也以年自後魏孝文太和始也以通自唐
高祖武德始也以重自肅宗乾元始也以元自晉
高祖天福始也以鐵為錢自公孫述據蜀始也
國朝洪武初置寶源局于應天府鑄大中通寶錢
與歷代錢兼行以四百為一貫四十為一兩四文
為一錢又令戶部及行省鑄洪武通寶錢凡五等
當十錢重一兩當五錢重五錢當三錢當二錢
當之數小錢重一錢歷朝皆以年號鑄行惟嘉靖
通寶名金背錢一當二使

鐵錢 始于公孫述梁普通中鐵錢不行自嶺以東

八十為百名曰東錢江郢以上七十為百名曰西

錢京師以九十為百名曰長錢大同末年遂以三

十五為百云宋紹興間銅鐵互用而川陝舊行鐵

錢故皆有鐵冶

今鞏昌安定會寧行使萬曆通寶
錢最低鉛錫半雜皆以三十五文

四十當百平涼以東則不然邠州有五百當百乾州以東又不然若河洛燕趙一路仍用宋錢土中掘得者謂之窖錢開元脆薄者謂之皮錢惟汴城行使

鎰

亦作緇錢貫也漢制萬室之邑藏緇千萬見寬

傳緇屬不絕注緇索也言若繩索之相屬也故以

緇貫錢曰緇

紙錢

漢以來塋用瘞錢後世稍以紙寓錢至唐王

璵專以祠神宋邵康節春秋祭祀亦焚楮錢程伊

川怪問之曰明器之類也脫有一非豈孝子慈孫

之心乎

楮幣

即古質劑法也周禮聽買賣以質劑注兩書

一札同而別之長曰質短曰劑券書也又謂之傳別漢武帝造皮幣以白鹿皮方尺緣以績見食貨志唐憲宗使富家以輕裝趣四方合券乃取之號飛錢亦見食貨志皆質劑意也宋祥符中始創為交子兌便行之凡一交一緡三年爲一界一界一換皆許民私自爲券以富人十六戶主之然官猶未置務也其後富民稍衰不能償直天聖元年始置益州交子務每界以一百二十五萬六千三百四十爲額每四年兩交後或增至兩界三界大觀元年改交子爲錢引紹興元年張俊置見錢關子

蓋因交子所出猥多又官司不以出納故法旋廢
俊始置關子召商人入中其法入見錢於婺州執
關子赴杭越權貨務請錢每千搭十錢為浸潤紹
都茶場悉視錢引法行之東南諸路當時議者謂
交子法行一夫可帶千萬緡然賤則官出錢以飲
之貴則官出楮以散之使居者以藏雖為得行者
以挾券為便後令官之予民以楮而其取民者必
曰見錢焉則錢安得不重楮安得不輕也

鈔 自皮幣飛錢關引以通商賈之厚齎貿易者其
法蓋執券引以取錢而非以券引為錢也宋慶曆
以來蜀始有交子建炎以來東南始有會子自交
會既行而始真以楮為錢矣 國朝洪武八年詔

中書省造大明寶鈔取桑穰爲鈔料其制方高一尺闊六寸以青色爲質外爲龍文花欄橫題其額曰大明通行寶鈔內上兩旁復爲文八字曰大明寶鈔天下通行中圖貫狀十串則爲一貫折銅錢一千文銀一兩凡六等曰一貫五百文四百文三百文二百文一百文大明律凡印造寶鈔與洪武大中通寶及歷代銅錢相兼行使僞造不分首從與知情行使者皆斬若挑剗補湊描改者流三千里

錦

禹貢兗州厥貢絳厥篚織文又文織見周禮美

錦見左傳釋名錦金也作之用功重其價如金故制字帛與金也蜀錦獨稱妙故成都有錦城錦宮又鳳凰錦朱雀錦周霄王鸞章錦甘泉走龍翻鴻錦又梵羅錦南番西番雲南莎羅樹內出錦織者似剪絨濶五六尺又魚朝恩出錦三十疋爲纏頭費謂賞歌舞人以錦綵置頭上也

絲

說文蠶所吐也又一蠶爲忽十忽爲絲黃帝四

妃西陵氏始養蠶爲絲見皇圖要記典絲凍絲見周禮繅三盆手見禮記青州厥篚檠絲見禹貢五色續命絲見風俗通東海水蚕絲見拾遺記

托甫
委月

乞人
一
絲兩絲

絲 五采也後聖觀羣翟之文榮華之色乃染帛以

效之始作五采成以為服見後漢志

按黃帝堯舜垂衣裳則五

采當與衣服同始觀觀黼黻文章可知

縑 并絲綳也釋名縑也其絲細緻數兼於綳染兼

五色也

繡 周官五絲備謂之繡釋名繡脩也文脩然尚書

予欲觀古人之象

云

黼黻絺繡又六幣五采見周

禮

義女成文繡應天道見元命苞舜令禹制繡見正義又井泉宮有霞光繡藻龍繡見洞冥記

素

釋名樸素也已織則工用不復加工飾也

詩將

素比

繒 縠似好裂繒灌嬰敗繒厚帛也女誡云繒貴厚而色尚深爲其堅韌也

綺 說文云文繒也釋名琦也其文欹斜不順經緯之縱橫也地理志宣州貢綺又云綺紈又唐史錦繡繒布皆五兩爲束盧懷謹服無文綺之飾

帛 繒也繒帛之總名素紵繒練熟之也縞又繒之精者東帛見易幅帛見左傳又衛文公大帛之冠季文子無衣帛之妾

綾 釋名其文望之似冰綾之理也釋文云布帛之

細者也織之者一絲一躡奇文異變因而作成絲愈多躡愈衆文理愈奇又竹根柿葉蛇皮馬眼金縷青衾十樣花俱綾名唐吳綾爲龍鳳麒麟天馬辟邪又龍油綾入水不濡

絹 釋名絰也其絲厚而疏也廣雅繁縷鮮文縠絹也晉始課民田五十畝收絹三匹舊制廣二尺二寸長四十尺爲一端晉令輸縑當絹者縑一匹當絹六丈 今制農桑賦絹

纈 潘氏記聞談曰唐玄宗柳婕妤妹適趙氏性巧因使工鏤板爲雜花打爲夾纈代宗賞之勅宮中

依樣製造西河婦女無桑蚕皆着碧纈見西河記
綃 廣雅云綃謂之紬又生絲織成曰綃紡絲織成
曰縠綃輕而縠細又鮫人潛織卷綃於冰室汜人
筐中出絳綃又元載龍綃方士霞綃迎暉紫綃岐
王紅綃並見合璧六帖

縠 說文云細縠也釋名粟也其形戚戚如也地理
志河南府貢縠縠絳州貢白縠越州貢生縠子虛
賦洛神賦俱有霧縠唐車服志中官不衣紗縠又
縠紗曰縠

純 釋名煥也細澤有光煥然也漢書齊俗作冰純

又曰白穀表薄純之衷天子之服也

染 周禮染人掌染絲帛凡染春暴練夏纁玄秋染
冬獻功又考工記淳而漬之三入爲纁五入爲緇
七入爲緇要畧云正色五青赤黃白黑間色五紕
紅縹紫流黃

織 廣雅天竺出細織成漢書襄邑歲獻織成虎文
晉令織成衣爲禁物

紗 漢書馬融紗帳晉書絳紗繫臂東宮舊事有絳
紗單衣

綈 范子云綈出河東釋名似綈虫之色綠而澤也

范叔綈袍漢文弋綈

綈 說文大綈繒也釋名抽引綈端細緒也

綸 釋名青綈綬作之有倫理也又納補納也

刻綈 格古要論曰宋時舊織者白地或青地子織

詩詞山水或故事人物花木鳥獸其配色如傳彩

又謂之刻色作此物甚難得松漠記聞云回鶻入居秦川後居燕以五

色線織成袍名曰綈綈甚華麗

紵綈 紵綈作新織者類刻綈作而欠光淨謹厚不

逮刻綈多矣又別有洒線納織各色不同

縞 禹貢海岱厥篚玄織縞又縞衣見詩禮朝服之

縞也自季康子始也

綿 禹貢豫州厥篚織纊注纊綿也左傳三軍之士皆如挾纊又遠子馮重繭注綿衣也日南歲貢八蚕之綿白帖

絮 敝綿也蚕眠成繭繭綠成絲綿細絲曰纊字亦作紕敝綿曰絮許行麻縷絲絮閔損母衣所生子以綿絮損以蘆花絮

牽離 釋名煮繭曰莫莫幙也貧者着衣可以慕絮也或謂之牽離煮熟爛牽引使離散如綿也按此即今之水絮

布

釋文名布列諸縷也亦曰帛然麻紵皆可為布

不無精粗疎密之辨外國又有織毛者又有花文

者不可以帛槩論也禮記布帛精粗不中數廣狹

不中度不出於市疏布見儀禮大布見左傳俱粗

布公儀休疾布好出婦燔機見史記好布細布也

張騫在大夏見蜀布說文十五升布也蠶布縷也

綰布縷也總蜀布也拾遺云霞布如朝霞之布也陸閔為尚書令著越布梁冀

永火浣布南炎火鼠之毛為布浣之於火振之如

雪山崑崙羽山西域日南天竺西戎肅立皆有入出

火山國績木皮為之見萬花谷又大軫國神錦波

岐國香荃布波西織水羊毛為布曰海西布今謂

之西洋布白如雪爛七尺俗傳念阿彌陀佛一聲

織一梭士夫間作壽衣高昌有草名曰白疊縷花

可為布南蠻吉貝草緝其花為布粗曰貝精曰
見孔帖又西洋剪絨單紅綠色年遠日晒色永不

退又謂銅盆單

麻

禹貢岱畎絺枲注枲麻也後漢五原宜麻枲崔

寔作紡織練縕之具見白帖漚麻藝麻麥見詩

漚麻池見晉史爾雅縻枲實枲麻也縻音墳左傳

練冠練漚熟麻也見喪禮大祥之冠

蜀

說文西胡毳布爾雅髦蜀也胡人績羊毛作衣

詩無褐注褐毛布也今亦謂之蜀

西番貢賽海刺絨毛織潤三尺

又番羅一名體毳西番及耳肅出潤一尺

葛

禹貢青州貢鹽絺豫州貢絺綌周禮掌葛以時

徵絺綌之財又精曰絺粗曰綌見詩葛覃注又孟夏之月天子始絺服見月令又堯夏日常葛端疋 左傳幣錦二兩注二丈爲一端二端爲一兩所謂疋也二兩者二疋也見御覽

穀 百穀總名易百穀草木麗于土又實也善也續也生也字作穀从禾从木者誤月令天子以元日祈穀于上帝孟秋之月農乃登穀穀梁傳曰一穀不升曰噉二穀不升曰饑三穀不升曰饑四穀不升曰嗔五穀不升曰荒大稷之禮君食不兼味廷道不除百官布而不制鬼神禱而不祠五穀皆熟

爲有年楊雄方言曰凡以火乾五穀之類出自山東齊楚以往曰熬隴冀以往曰福秦晉之間曰熬又炎帝種五穀故謂之神農

九穀 周禮三農生九穀注稷秫黍稻麻大小豆大

小麥職方氏掌天下之圖辨其邦國都鄙九穀之

數楊州荊州其穀宜稻豫州并州其穀宜五種黍

菽麥荻麥青州其穀宜稻麥兗州其穀宜四種黍稷黍稷雍

州冀州其穀宜黍稷幽州其穀宜三種黍稷司稼

巡邦野之稼而辨種陸之種周知其名與其所宜

地而縣于邑閭

八穀 星經云八穀八星在五車北八穀者黍稷稻

梁禾麻菽麥也

六穀 周禮凡王之膳食用六穀稻黍稷梁麥苽

五穀 周禮以五味五穀五藥養其病麻黍稷麥豆周書

凡禾麥居東方黍居南方稻居中央粟居西方菽居北方范子計然曰五穀萬民之

命國之重寶五土之宜各有高下

百穀 物理論云梁者黍稷之總名稻者漑種之總

名菽者衆豆之總名三穀各二十種爲六十蔬果

之實助穀各二十凡爲百穀故詩曰播厥百穀者穀種衆種之大名也

詩注後種先熟曰重先種後熟曰穆

禾

說文云嘉穀也木王而生金王而死禾之秀實

為稼莖節為禾又嘉禾二本同秀五穀之長盛德

之精也又得時之中故謂之禾山海經云崑崙墟

上有木禾長五尋

呂氏春秋飯之美者玄山之禾史記北里之禾所以為盛光武

時濟陽嘉禾一莖九穗夢書禾稼為財田之所出夢見者財氣生

稻

禮記稻曰嘉疏月令十月穫稻九月熟者謂之

半夏稻爾雅稌稻也廣雅稻穗謂之禾異物志曰

交趾一歲再種

把朴子曰南海晉安有九熟之稻又占稻宋真宗得種於占城國始

分給天下

秔

養生要集曰稻屬也稻亦秔之總名也道家方

藥有用稻米秭米此則是兩物也稻米粒白如霜
味苦主溫服之令人多瘦無肌膚枕米味年主利
五臟長肌膚好顏色

秭 古今注曰稻之粘者為秭禾之粘者為黍廣志
曰秭有赤有白有胡秭早熟及麥養生要集曰秭
米味酸

黍 詩黍稷注黍宜高燥而寒稷宜下濕而暑汜勝

之書曰黍者暑也種必除暑先夏至三十日

禮記
黍曰

齊合說文秭黍也一稗二米所以釀甕說題黍緒
也故立字黍入米為酒以扶老也以大暑而種故

謂之黍黍神
名伯侵蘭都

稷 說文云五穀之長也廣志曰破藏稷逼麥稷也

此二者以四月熟本草曰稷米主益氣補不足

粟 說文云粟嘉穀之實也粟之為言續也爾雅又

曰粢稷春秋說題粟五變稷生為苗秀為禾三變

而祭謂之粟四變曰米五變而蒸飯可食稟受五

行之氣而成也呂氏春秋飯之美者不周之粟又倉頡作書天雨粟注有書契則奸

偽生去本趨末稟耕作務雖刀天恐其將餓故為雨粟也

稌 古今注麋稌也後漢書烏九國其地宜稌

梁 物理論梁黍稷之總名也爾雅曰薺門赤梁粟

芑白梁粟即詩所謂靡芑也魏都賦有雍丘之梁

又黃梁

菽 說題屬也春生秋熟理通體屬也物理論曰菽

者衆豆之總名也廣雅曰大豆菽也小豆荅也

豆豌豆留豆也胡豆蜂雙也勣中記石勒諱胡改胡麴曰麻餅胡餞曰

香縵胡豆曰國豆又豆角謂之莢其葉謂之藿也巴菽巴豆也說文云美豆莖也豆神名靈殖姓藥

麻 仲秋天子嘗麻薦寢廟見禮記淮南子汾州濛

濁而宜麻又麻子一名麻薺一名麻勃廣雅曰苴

藤弘胡麻也又胡麻一名方莖服餌不老耐風濕

其葉名青襄

麥 大麥爲麴小麥爲秣說題麥之爲言植也寢生

觸凍而不息精射刺直說文云麥金也金王而生

火王而死麥神曰福習稍麥莖也麥之為缺燥由乾濕也見搜神記又燕麥

南人為雜麥隴西人專種之

稗 黃稗見孟子又汜勝之書稗水旱無不熟之時

又特滋盛宜種之以備凶歲今薊門皆種之

蔬 菜謂之蔬古人乏米以蔬充食不熟曰饑亦曰

藪見爾雅月令仲秋之月命有司趣民務蓄菜蒲

旨蓼蓂芬芳藁荷依蔭時藿向陽綠葵含露白薤

負霜南都賦春茄夏荀秋韭冬菁蘇葢紫薑拂藹

之菜可羞於王公
齏 周禮醯人共五齏又韭曰齏淹薤曰醢

蒜 張騫使大宛得其種與苜蓿胡荽胡桃葡萄俱
至苜蓿胡人秣馬者石勒改胡荽為香荽見鄴中
記今人謂之鹽荽

山藥 即薯蕷唐避代宗嫌名宋避英宗嫌諱改曰
山藥

蔓菁 劉禹錫嘉話諸葛亮所止令軍士種之蜀人
呼為諸葛菜常綸云蔓菁五美纔出可以生啖葉
舒長可以煮食久居隨以滋長其根
耳美可以充
饑消食化氣

波稜 嘉話錄曰波稜菜西國有僧將其子來常綸

非頗陵國來語記為波稜也唐會要曰尼葵羅國
獻波稜類紅藍實似葵葵又痺辛菜也葵菜似蒜

生水中俱見字林

瓜 食瓜見詩聚瓜見禮說文瓜象形也瓣瓜實也

漢安帝嘉瓜異本同蒂柳子厚有嘉瓜表云青門即東陵秦故侯卿平也洪忠宣使虜始食西瓜見鶴林玉露

瓠 甘瓠見詩宋人謂淨街槌蓋少味無情之物也

薑 援神契禦溫菜也孔子不徹薑食裴子野從來未嘗食薑

葵 公儀休為相拔園葵不欲與園夫爭利又鴨脚葵又絡

葵見博物志

菁 陸通字接與與妻俱隱食菌櫨實服黃菁子

芋

援神契仲冬收苕芋苕亦芋也說文齊人爲苕

又躡鵠也生嶠山之沃野

卓氏致之臨邛又居山林食芋栗厭蔥韭見莊

子徐無鬼芋魁見翟方進傳

蓴

蓴菜露葵也有蔡卽者父諱純遂改呼焉見顏

氏家訓

四月生莖而未葉名雉尾蓴五月葉舒長名絲蓴入七八月有蜩蛭不堪食十月冰

凍虫死雖老可食見鷄跖集

芹

野人食芹而美欲獻之至尊楊廷秀有芹齏詩

蔥

禮爲君擇蔥醢必絕其本梁呂僧珍封平固侯

其先以販蔥爲業

莧

梁蔡博爲吳興守齋前自種白莧紫茄又水茄

白銀色見黃山谷詩南中茄子宿根有二三年者

韭

一名豐本庾杲之清貧食惟有韭菹淪韭生韭

任昉戲之曰誰謂庾郎貧食常二十七種謂三種

韭也

又李崇十八種

菘

葑菲即蕪菁今菘菜也齊周顒隱鐘山食惟綠

葵紫蓼問何者最佳曰春初早韭秋末晚菘朱

晦翁次劉秀野蔬食韻有新損紫葍子薑茭笋南

苐焯菜木耳蘿蔔筍脯白蕈劉彥冲園蔬又有芥

苦菜杜甫有種萬苣詩蘇子瞻有元脩菜詩又詩

云蘆菹生兒芥有孫又有决明春菜石耳銀茄俱

見事文類聚 按蔬品數多紀載不盡姑錄毛詩
所載苡菜接卷耳耳泉繁白蘋浮藻水蕨薇匏葑菲
茶齊旨蓄唐免蕒水鬱萸葵瓜壺邑菑遂菜惡綠王
董苢邪蒿芸薹紫菜鹿角優殿雍菜冬風蘘荷可
治蠱耳露子即地蚕一名玉蛹

彙編卷三十卷

崇陽吳楚材國賢編 武昌吳時泰文亨校

花木部

蘭

說文蘭香草也。紉秋蘭以爲佩。見離騷。䟽石蘭

以爲芳。見楚辭。叢生山谷。與澤蘭相似。紫莖赤節。綠葉光潤。一幹一花。花兩三瓣。幽香清遠。可挹。或

白。或紫。或淺碧。常在春初。雖冰霜之餘。高潔自如。

蕙亦似蘭。而葉差大一幹。而五七花花時常在夏

秋間。香不及蘭也。蘭又謂之國香。蒔以沙石則茂

沃。以湯茗則芳。見脩水記。

汗漫錄。貯黃磁斗。養以

蕙 亦綠葉紫花魏武帝為香以燒之按遯齋閑覽

云楚辭詠香草曰蘭曰蓀曰茝曰葍曰薜曰芷曰

荃曰蕙曰薰曰麝曰江離曰杜若曰杜衡曰揭

車曰留夷釋者俱謂之香草蘭一物或為都梁香或為澤蘭或為荷蘭

或名幽蘭非真蘭也蓀則今石菖蒲茝葍藟芷四

名一物今白芷也蕙即零陵香一名薰蕕即茅蕕

苗也一名江離杜若即山薑也杜衡今馬蹄香惟

荃與揭車留夷終莫識又紀原云蘭本名羅勒石

勒避諱改名又離騷云宿莽即卷施草拔心不死

見爾雅翼

菊 俱見本草離騷按爾雅名落穠凡數種瞿麥為

大菊馬蘭為紫菊烏喙苗為鴛鴦菊旋覆花為艾

菊又有所謂筋菊白菊黃菊有紫莖氣香味美可

食為真菊青莖味苦名薏非真菊也一名節花

律中無射俗尚九月用候時之草風俗通一名傳公一名延年一名日精一名周盈一名更生一名

朱品名最多以黃為正所以槩稱黃花如牡丹獨

曰花而不名也劉夢譜三十五品范至能譜三十

黃十三種白十種雜色五種或五月開或六月開今惟重九獨稱菊者起于費長房重于陶潛云

萱 說文忘憂草也又見神農經詩作諼說文作𦵏

訛𦵏為諼也一曰宜男草其葉四垂其附六出一

名合歡荆楚謂之鹿蓊別是一種北堂主婦所居

也見昏禮曹子建有宜男草頌

蓮 荷花也美藻也廣雅云江東呼荷葉為芙蓉故

魏文帝蓮池謂之芙蓉園注芙蓉蓮化也產於陸
曰木芙蓉產於水曰草芙蓉今詩家謂之水花水
芝其以山峯為芙蓉像形言之耳雜俎謂之湖目
爾雅其莖茄其葉荷其本秀其葉齒齾又其根藕
其中心的子也的中意蕙子中心也的蕝蓮實也
花有紅白碧佛家有青蓮又有千葉重臺雙頭世
稱瑞蓮有瑞蓮早蓮

葵 說文黃葵常傾葉向日又爾雅謂之承露大莖

小葉華紫黃色又其名不一食名葵菜葉名蒲葵

花名蜀葵花或白或黃或紫或紅或紫黃浙中有

一丈紅惟叢高四五尺春生苗葉尖小多缺夏末開花如木槿此蜀葵也

又有錦葵錢葵花小叢低又一種名千葉花者

瓊花 合璧云天下無雙惟楊州后土祠一株世傳
唐人所植李衛公所謂玉蘂花也樹大花繁清馥
異常潔白可愛今在蕃禧觀與八仙花絕遠見杜
旂記鄭興裔辨

玉蘂 長安唐昌觀潤州招隱寺俱植此花條蔓而
生狀如荼蘂花鬚綴金采花心有碧筒群芳未有
也詳合璧

牡丹 始見謝康樂集中至隋無歌詩唐天寶中爲
都城奇賞貞元極盛或出丹州延州青州越州惟
洛陽爲天下第一

歐陽公譜二十四種首姚黃次
魏紫又有接花種花澆花養花

醫花之法詳洛陽風土
記唐人亦謂之木芍藥

芍藥 本草注一名將離又見國風廣雅詩始見于

謝中書白太傳自武后以來牡丹盛芍藥衰矣色

以黃為貴座以廣陵為正劉放譜三十一種冠群芳為首王觀譜新妝八

種御衣黃為首

海棠 李贊皇集以海為名從海上來也始見于南

朝沈約之詩花五出惟紫綿色者為真有色無香唐賈鮑百花譜以為花中神仙杜甫母

名海棠故集中無詩

棣棠 即棠棣也樹以白楊一曰苞棣又常棣唐棣

見詩

杜鵑 樹高四五尺葉綠花紅蜀人號曰映山紅杜鵑啼時始開羊誤食其葉則躑躅死故又名山躑躅

薔薇 藤身蒲萄相似葉類槐莖青花白或紫或黃

開時連春接夏清馥可人五代時有大食國花露醪本作茶蘼後以酒比花顏故加酉唐寒食宴宰相用醪醪酒花藤身青莖多刺一類三葉花白帶碧

木蘭 樹高八九尺花粉紅色香不及桂二三月開陸龜蒙詩幾度木蘭船上望不知元是此花身今

故云木蘭舟

辛夷 見離騷木高數尺初出如筆正二月開花夏

秋再開紫苞紅焰本草注北人呼爲木筆又鷄栖

子皂筴也

見廣雅

百合 梁宣帝王右丞有詩青葉紫莖花如石榴

紫薇 白樂天種之虛白臺前紫薇花對紫薇卽是

也唐姚崇改紫薇舍人中書又曰紫薇省花最爛

熳耐久

麗春 罌粟別種也叢生柔幹多葉游默齋有譜

瑞香 始出廬山呂大防移種成都曾端伯號爲殊

友

夜合 今人以百合為夜合似非也

按夜合本似梧桐枝弱葉繁互

相交結一曰合昏一曰青棠即合歡也嵇康種之舍前今百合花亦朝開夜合但本草其香殊甚又射干莖長四寸六月開花

菖蒲 食之長年見風俗通梁張后吞之產梁武帝

本草一名菖歎

說苑文公嗜菖歎道左傳饗有菖歎然一寸九節一寸十二節者又

菖蒲也

薝蔔 即梔子花凡草木花皆五出惟此花六出謝

靈運目為林蘭曾端伯名為禪友佛書聞薝蔔香不聞他香

山礬 王荊公嘗欲作詩而陋其名黃山谷始稱之
補陀落伽山白小花不然何觀音老人端坐不去
邪

朱槿 又有黃白兩種及千葉者詩舜華淮南子朱
槿枝葉婆娑開至中冬朝開暮落詩家題品殘照
夕陽

芭蕉 唐僧懷素種之故里以供揮洒書遂成名路
德延靈苗詩今覺不佳錢翊一緘書札詩本懷素
也

茉莉 與那悉名花皆胡人自西國移植南海見陸

賈南越行記蘇東坡謫儋耳見黎女競簪因目之
爲暗麝

素馨 舊名那悉茗劉王侍女名素馨家生此花因
名傳大諫詩香銷斷絕無人問空有幽花獨擅名
金錢 風土記日開夜落以形得名魚洪雙陸賭金
錢盡以此花相足又詩謾向人前逞顏色不知還
解濟貧無

金鳳 一名鳳仙花菊詩中呼爲菊婢張右史詩金
鳳乃婢妾紅紫徒相鮮劉原父輝輝丹穴禽矯矯
翅翎展

蓼花 有二種霍丘西蓼東蓼古國號也集蓼見詩

嘗蓼見吳越春秋蓼蟲見戰國策紅蓼見韓柳溫

白詩

又名龍見爾雅翼

蘆花 鴈啣蘆以避矰繳見淮南子似朝霜留客晚

俱見李杜詩林君復最愛蘆花經雨後一蓬煙浪

飲漁船

牽牛 古詩仙衣染得天邊碧乞與人間向曉看

凌霄 蘇子瞻爲錢塘詩僧作木蘭花即此其花蔓

生纏古木曾南豐詩固知臭味非相類意別有指

也

又茗即凌霄茗即凌霄花見爾雅翼

佛桑 花如蜀葵朝生暮隕自蔡君謨漳州耕園驛

詩始

芙蓉 一名拒霜有色無香黃白千葉又有朝白晚紅謂之醉芙蓉近水處栽插茂盛亦號曰木蓮

山茶 按陳環譜云滇中絕艷自黃寶珠至白山茶

七十二種中州罕有唐人亦無題咏其花七絕大

開落近二句
苑中耐旬日

水仙 金盞銀臺類也華陰人服八石得水仙是名

馮夷又江妃二女江漢解佩見列仙傳又欵冬花即欵凍生

水中花紫赤
見述征記

梅

始見於炎帝經書鹽梅詩標梅山海經雲山乾

腊注

腊乾梅也皆以果名大庾龍頭羅浮廣平則以花名近世有梅花百詠自范至能梅花譜

推衍之也

桃

成仙益壽見神農經桃夭木桃見詩五木之精

厭邪氣制百鬼故門着桃符此仙木也又杲木又

蟠桃三熟武陵桃源潘岳河陽江淹煙霧彌子餘

桃世所共傳

李

運斗樞云玉衡星散爲李又爲桃仙縹神紅冬

華春子見事類賦崑崙玉李見抱朴子房林朱李

沈約麥李俱有詩冬熟曰柰

又有一種俗號林檎以味耳能來衆禽故

花一名來禽趙公伯臍
中納李六七枚見笑林

梨 百花開盡始見梨花洛陽人携酒花下曰爲梨

花洗粧

淮北千樹梨見史記老子與王母共食紫梨名消梨又一種

梨名崇梨花又植

杜 爾雅杜耳棠也杜赤棠梨白棠詩蔽芾耳棠又

有杖之杜孫楚有杖杜賦梨以有用爲貴杜以無

用爲賤故用獲全

杏 東方歲星之精孔子有杏壇裴晉公午橋莊有

碎錦坊又董奉種杏

榴

張騫使西域得之安石國故名石榴

又有從海外新羅國

來者名海榴又存寶珠榴蜀都賦若榴競製若榴
石榴也見廣雅山石榴即杜鵑花耳

桂 榦木也一名木犀山海經臯塗山有桂木八樹

在貴禺東貴禺即番禺也月中桂樹高五百丈吳

剛斫之樹創隨合見酉陽雜俎故今人謂蟾宮丹

桂宋之問詩桂子月中落天香雲外飄故今人謂

廣寒天香桂子落天竺梵僧云八月十五夜驚山

策第一猶桂林一校故今人登第謂之攀桂又淮

南王劉安好道感八公共登山攀桂而賦有大小

桂山因以自號招隱士者劉安小山所作也故今

人賦隱士謂叢桂青桂

果 爾雅果不熟曰莞元命苞織女星主果說文在

在草
曰菰

櫻桃 楔荆桃見爾雅月令仲夏天子羞含桃先薦

寢廟注櫻桃為鶩所食故曰含桃李直方第果品以櫻桃為第三

衍則多陰果則先熟見傳咸賦

棗 壺棗羊棗大棗苦棗見爾雅剥棗見詩脩棗見

禮記棫酸棗也見孟子注老子與王母共食王文

棗廣志西王母棗三月熟安期生巨棗大如瓜見

漢武傳上林棗四十九枚見方朔傳

栗 榛栗見詩籩實見周禮狙公與栗朝四暮三見

列子歲收橡栗杜甫詩蓋出於此橡栩實也見韻

注

橘

禹貢楊州包橘柚注小曰橘大曰柚橘柚之貢

堯舜不嘗見政論

橘輸淮此為枳地氣使然見周禮彙星散為橘見運斗樞千頭

木奴見六帖屈原橘贊

柑

風土記橘之屬滋味甜美特異者也黃真者謂

之壺柑

唐故事近臣有上元黃柑之賜安定郡王以黃柑釀酒名曰洞庭春色蘇子瞻黃柑

陸吉傳謂柑橘也

橙

襄橙鄧橙見蜀都賦南柑北橙見文選山谷天

將金闕真黃色借與洞庭霜後橙劉屏山棖橘其

香各效能南苞錫貢不同升果中亦抱遺才歎有

客攀條氣拂膺

金橘

產於江西都人初不識明道景祐初始興竹

子俱至

香清味美置之樽俎光彩的皪溫成皇后好食之價重京師見歸田錄又元稹小木

奴楊誠齋黃金丸

柿

朱柿見王逸賦鴻柿若瓜見七欵梁園有烏桺

八稜鄭虔以柿葉隸書柿有七絕一壽二多陰三

無鳥巢四無虫五霜葉如金可玩六嘉實七落葉

肥大見雜俎又桺

銀杏

一名鴨脚樹因葉相似梅聖俞詩北人見鴨脚南人見

胡桃識內不識外疑若橡栗按花卉果木不見經

傳者大率類此

榧子

產信州玉山縣以懷玉得名

故東坡云彼美玉山果餐為金

盤實祝君如此果德膏以自澤願君如此木凜凜傲霜雪斷為君倚几淨滑不容削

胡桃

張騫得之西域今北土陝洛皆有之沈約謝

賜胡桃啓又崧子有二種

海崧子生新羅如小栗三角其中仁香美雲南

崧子巴豆相似味不及也

耳諸

廣州志似芋剥去皮肉肥白南方以當米穀

賓客亦設之出交趾一云即蔗也見說文

橄欖

嶺表錄樹身聳枝高皆數丈其子深秋方熟

閩中尤重其味又廣人不食見廣州記龍眼橄欖

見吳都賦皮肉苦且澁瀝口復棄遺良久有回味

始覺耳如飴歐詩

楊梅 楊州人呼白楊梅為聖僧鏡日繡壑照霞綺

蠻見江淹賦

龍睛驪珠見合璧又有餘耳子佛書謂之菴摩落迦果吳都賦其果則丹

積餘耳荔
其之林

枇杷 唐史建中元年山南枇杷歲為次第果產西

蜀名著上林二梢滿盤萬顆綴木見合璧

葉似栗
子似杏

小而叢生
見風土記

衆果 沙棠益智檎檳攄餘耳檉棗榛榘即詩桑榘

探實似梨冬熟蒟果如枏櫚木廐子如橄欖橐實

如耳蕉枕樹似梅子楊桃似橄欖楊梅有七脊冬

熟侯閨子俱如指大關桃土翁枸槽鷄橘猴惣多
南王壇三蕪鬼目蕪薑扶留藤木緣而生與古貴
灰栴柳蕪三物合食古貴灰牡厲灰也扶留即茺
可爲醬漢書茺醬是也

木瓜 投以木瓜見詩爾雅謂之楸宣州出者最良
菱 一名芰即屈到所嗜呂氏春秋杜厲叔事莒公
自以爲不見知居海上夏食菱冬食橡栗龔遂勸
民蓄菱芡芡雞頭也一名鴈頭見周禮注

蕪 本草叢生畦而種之赤者名崑崙白者名荻蕪
顧愷之食蕪自尾至中曰漸入佳境子虛賦云藟
拓者耳蕪也

容齋隨筆有糖霜譜其譜甚詳

荔枝 樹生南越高五六丈漢武帝起扶荔宮植荔

支龍眼無一生者張九齡有荔枝賦白樂天有圖蔡君謨有譜三十三種江家錄

爲首又龍眼後荔枝熱號荔枝奴

蒲萄 張騫西域還得其種六帖云李廣利破大宛

得之西域蒲萄酒可至十年色言云亦須麴蘖而成有人久積蒲萄而

取遂自成酒芳斗酷

松 禹貢青州又大松千歲其精化爲青牛淮南子

千歲之松下有茯苓上有兔絲神仙傳偓佺食松

實能飛行以松子遺堯不能服也秦始皇封泰山疾風暴雨抱松

樹得免因封之為五大天焉今在小天門夢書松
為八君夢見松者見君也又丁固夢之為十八公
海中有松門栢島嶼上皆生松也見王戴之記

栢 禹貢荊州孔子廟有栢二十四株漢晉猶在漢

武栢梁墓高二十四丈列仙傳赤松子食松栢實
盛落更生故松栢之膏可

以延年抱朴子云天陵偃蓋之松大谷倒生之栢
皆以天齊其長地等其久也又史記松栢為百木
長而守宮關又朱栢松栢屬故類朱赤松也見說
文又山海經崑崙有朱栢

檜 太清宮檜老子手植根株枝幹皆左紐松葉栢

身曰攢栢葉松身曰檜見爾雅

槐 春秋說題虛星之精也元命苞槐之言歸也情

見歸實故樹槐而聽訟其下又周禮三公面槐注

懷來遠人也

三輔黃圖辟雍列槐數百至今庭院植槐如墓上植栢以延陵掛劍于栢

義各有取爾也爾雅又謂槐為守宮

柳

蒲柳河柳杞柳白楊青楊皆柳也白楊一名高

飛一名獨搖展禽之家樹柳行惠德因號柳下惠

陶潛宅有五柳樹因號五柳先生說文楊薄柳也

從木易聲檉河柳也從大聖聲柳小楊也從木卯

聲

本草經柳花一名絮唐詩柳絮楊花則楊柳皆一物也宋書蕭惠開為少府不得志齋前悉種

白楊人曰白楊丘墓間所植荅曰人生不得志與死何異又虜中井棠則王敬則所種楊柳也

桑

禹貢檟易苞桑詩條桑月令無伐桑柘太戊桑

穀共生於朝帝女之桑大五十尺其枝四衢見山

海經伊尹母居伊衣上神告之曰白水出東走身
因化為桑有莘氏採桑得嬰兒見於桑中獻於君命
乳之曰伊尹又秋胡羅敷俱見史漢景帝始勸民
農桑今制桑

棗之禁蓋周禮不
種桑麻之意云

榆 爾雅曰蔭莖周禮春取榆火說文白粉也榆有

刺莢為蕪蕪漢有粉榆社

魏鄭渾課民種榆唐有
榆塞今邊城地惟宜榆

柳故又
云榆閑

椒 運斗樞玉衡星散為椒爾雅檠大椒也山海經

琴鼓之山其木多椒詩椒聊之實又風土記茱萸
椒也

柳 訶陵國以花爲酒又實大如人脰橫破之作梳
取其汁以成酒樹高六七丈

桐 梧桐梓見詩桐皮曰椅尚書嶧陽孤桐梧即

桐也以皮青曰青桐月令清明桐始華周書桐不

寒神農削桐爲琴莊子蟪蛄而瞑蔡邕焦尾琴張

華扣石桐魚蕭子良梧桐賦俱見史益州人績桐

華爲布名華布浙人用荏桐子爲油曰荏油又烏

桐油可作燭者非也按爾雅翼梧桐二種正南生

十二葉一邊有六葉從下數一葉爲一月至十

二葉有閏十三小餘視之知閏何月

杉 被黏也見爾雅出東海中倭國者爲倭木今以

蜀中爲良材潘詩二室七仙同守護千松萬檜自

低昂

椿

莊子上古有大椿以八千歲為春八千歲為秋

注三萬一千歲為一年

馮處王詩靈椿一株本此又荆南有莫靈以五百歲

為椿八千歲為秋見劉子

豫章

梗楠豫章並見子虛吳都賦今江右以此名

郡

楠

成都寧國觀有古楠四石刻云仙人籙君手植

潯陽絕一年東邊榮西邊枯後年西邊榮東邊枯年年如此張華謂之文讓樹

榕

黃山谷南遷維舟榕下後人為作榕溪閣

樗

莊子所謂文木所謂散財樗里子意出此惡木

見詩

榘 唐正旦榘燭擁馬謂之火城蓋榘脂可燒爲燭也

冬青 山海經云太山多貞木謝眺所謂萬年枝也

一名女貞木蘇彥頌云負霜蔥翠振柯凌風清士

歛其質貞女慕其名

又元人發宋諸陵父老掩之遍樹冬青以識其處見草木

子近有挽詩用風雨泣冬青不知非佳語也

楮 一名穀即書桑穀詩維穀穀惡木也而取名於

穀穀善也惡木謂之穀猶耳草謂之大苦蔡倫用

楮膚爲紙

栳 樹並見詩莊子嘗爲漆園吏不受楚聘故曰傲

吏唐詩古人非傲吏自閑經世務偶寄一微官婆
娑數株樹

楓 爾雅楓聶天則鳴故曰風聶軒轅本紀云黃帝

殺蚩尤

擲其械化為楓林又出山海經漢宮殿中多植此木霜後葉丹如錦故詩人甚稱丹

楓江楓楓脂千歲為琥珀

梓 伯禽康叔見南山之陽有木曰橋北山之陰有

木名梓橋高而仰梓實而俯商子曰橋父道也梓

子道也

欂 楚俗作棕廣雅作枿杜甫以李林甫瑣瑣之

材代張九齡為相作欂櫨拂詩寓意江淹有頌蜀

人饌佛僧以椶筭

荆 楚也凡木心圓荆心方荆棘不材惟寧浦金荆
作枕紫荆作床白荆作履與他處牡荆全異最傳
者曰真兄弟紫荆也又班荆負荆見史傳又萇楚
見詩運斗樞云

王衡星散爲荆

棘

元命苞云樹棘聽訟其下取赤實也耆舊傳云

赤心至誠也周禮左九棘孤卿大夫位焉

右九棘公侯伯

子男位焉樹棘以爲位取赤心而外刺也

栳

司馬遷傳栳椶不斷楊雄傳唐虞栳椶韻注栳

木名

櫛 左傳孟莊子斬其櫛以爲公琴

櫛 古今注程雅問櫛木名無患何也曰昔有神巫効鬼得則以此木爲棒殺之又佛家貫患子爲數珠今謂之菩提子纂文實可去垢齊卞敬宗有無患枕讚

櫛 爾雅木大葉而黑白櫛似柟而葉差小又見山海經

栝 漢有栝栝宮西都賦洞栝栝以與天縹

栝 栝栝木名又莎木似栝栝又櫛栝相如賦作賓
栝 南中人以櫛栝爲茶亦當以櫛栝爲酒宋人云

檳榔四德醉能使之醒醒能醉饑能飽飽能饑見

卮言玉露

即上林賦仁頻見師古注

栳

果名似柰而酸又梅柎郭璞云似杏而酸爾雅翼似

梨冬熟味酸

檠

檠棘善理堅刃可為射決也儀禮玉篇云檠棗

也

榛

本草苦榛能去脂使人不睡晚摘者曰茗曰苻

葉可為飲巴南人曰葭榛俗作茶從草詳見飲食

部

一名卑盧見皮日休詩

衆木

晉宮闕記華林園有君子樹三株又漢宣帝賜霍光靈壽杖又明光殿前有長生一株又

唐棣名夫移木綿枝似桐葉似胡桃花落結子有
綿甚白可作布名曰縹一名毛布又懷枕白銀支
子樹即梔子樗杞檀柞為寄生即東方朔云蜜
藪建木丹木迷穀其花四照佩之不迷帝休生少
室山維常為帝衣生肅慎國机楠珥玕沙崇章帝
屋王樹俱山海經返魂與楓木相似香聞數百里
一名驚精香一名震靈丸見十洲記如何樹三百
歲開花三百歲作實見神異經仙樹饑渴得之可
飽見西河舊事輪無疵也椋材俱爾雅繫狃杭梁
乙木求卯衛男青尋木疎麻楠櫨頭六駁櫨樺石
南枹婆羅青田核可為酒出烏孫國念都娑羅烏
文北間制木見樹樹上忽生小兒長六七寸見人
皆笑手脚頭俱動摘取一枝見便死見唐書頓遜
國有酒樹似安石榴取花汁傳盃中數日成酒美
而醉人萬年枝冬青木也太平雀頻伽鳥也

竹

楊州貢篠蕩荊州貢菌籟梧淇澳渭川會稽竹

箭鄠社陸海周官有孤竹之管孤竹竹特生者也

戴凱之有竹譜九河鮮有五嶺實繁峙必六十篴
亦六年鐘龍之美爰自崑崙負丘帝竹一節爲船
竹之別類有六十一焉桂箭篴筋筇狗櫛葱苞篴
苦箬莽荆簡仲萁漢利晉沛棘菑弓蕩筍萁又林
於盧葱鷄鷄沙麻石麻射同班皮由梧雲母桃枝
鈎端又鐘龍竹伶倫所伐也王徽之不可一日無
此君梁孝王兔園多植竹漢章帝三年子母竹生
白虎殿前謂之孝竹群臣作頌今慈竹是也筍一
名籜龍一名竹胎一名初篴一名玉版竹葉一名
升斤竹花一名草華羅浮山記印竹本出印山張騫西至

大夏所見也而此山左右時有之鄉老多以爲杖

僧贊寧筭譜謂筍滑利無益於脾俗名刮腸篋竹其性好西南種之東北角自然延生又唐人呼推子爲筍太液池竹筍叢生帝呼爲竹義

草 神農始嘗百草一日七十毒堯時蓂莢亦草也

爾雅卉草也草謂之華木謂之榮不榮而實謂之

秀榮而不實謂之英周官薙氏掌殺草月令季夏燒薙禹貢厥草惟夭草木漸

苞叢生古皆作少字

蓬蒿 王者不徵滋味庖厨不踰則生於厨形如蓮

枝多葉少根如絲轉而風生堯時冬死夏生舜時

生於厨右階前

蓂莢

葉圓而五色從朔至望日生一葉從十六日

毀一葉至晦而盡月小則一葉厭而不落又朱草

亦日生一葉然瑞應圖兩載之恐非一物

按瑞草自屈軼

以下俱載御覽不及并錄

芝

王者慈仁則芝生五芝有石芝木芝草芝肉芝

菌芝狀如宮室或車馬龍虎五色無常服之皆令

人長生

萍

萍也無根浮水而生見說文大者曰蘋江東人

謂之藻月令季春始生楚王萍實兆霸兩約風翻

見詩

莎 一名侯莎生田野間根生如棗核者謂之香附

子詩家謂之綠莎

苔 廣雅云石衣說文云水衣又謂之石髮在瓦曰
苔邪在垣曰垣衣又曰澤葵曰海藻室無人行則
生苔癬

菰 葉如蒲葦又謂之茭白今人以菰蘆並稱張尊
所思吳中菰菜是也歲久中心生白莖謂之菰米
臺中有黑者謂之茭鬱其根如蘆根下澤處謂之
菰葑苗有莖硬者謂之菰蔣孔子之楚舍于蟻丘
之蔣見莊子草至秋結實乃彫胡米也

宋玉賦炊彫胡之飯

又菰穗雕胡菰子作餅見吳都賦今人謂茭白初生為茭笋又茭即其葉葑即其根

茅 說文謂之菅堯為天子茅茨不剪禹貢荊州貢

菁茅菁以為菹茅以藉酒故齊侯伐楚曰苞茅不入無以縮酒又江淮間生一莖三脊有毛刺者曰

菁茅

蓬 叢生尺許其莖曲故曰蓬生麻中不揉自直國語

秋蓬也孤其根本密其枝葉子貢壞室編蓬為戶彈琴其中又張中蔚所居蓬蒿今稱士窮困曰蓬此荻本

藍 即染青葉也詩采藍後漢趙岐見陳留人皆以

種藍染紉為業藍田彌望黍稷不植慨其逐末遂

作藍賦楊震植藍以供母諸生有助種者輒拔更種以拒其後

藤

詩葛藟藟亦藤也舒元興悲刻藤文剡溪古藤

甚多爲紙工斬伐以造紙

今能文者孰非書剡藤者也又松蘿兔絲也詩

葛與女蘿施於松柏故曰松蘿

蘋婆

今北土所珍而古不經見唯楞嚴諸經有之

或云元時通中國始盛耳按洽聞記稱唐宋徽中

魏郡人王方言嘗於河中灘上拾得一小樹栽之

及長乃林檎也實大如小黃瓠色白如玉間以硃

點味非常美進高宗種於宛中以爲朱柰又名五

色林檎或謂之聯珠果上賜王方言階文林郎又
謂之文林果俗云蘋婆果按此乃真蘋婆果耳廣
志云林檎似赤柰子一名黑檎今蘋果止產北地
淮以南絕無之廣因有林檎豈得有蘋婆果
耶

萱菴 按嵇含南方草木狀其苗如蘆其葉如薑花
作穗嫩葉卷之而生花微紅穗頭深葉漸舒花漸
出唐人比托之
妙蓋出此

相思 有蔓生者與龍腦相宜能令香不耗搜神記
云韓朋墓木也霍小玉傳有之

枳椇 實如珊瑚美如飴茸而可食若以其木爲屋

柱一屋之酒皆薄 薜荔見山海經楚辭龍鬚狼
尾鹿豆馬鬣羊桃羊齒羊蹄鼠耳鼠尾之類並載
御覽有麴樹則南中桄榔也酒樹則榔也肉樹則
端溪豬肉子也大如杯炙而食之味如豬肉而美
榔以酒耳耳而薄亦不堪飲若頓遜國樹葉汁取
傳之數日即爲佳酒枸樓國僊漿取之樹腹中又
青田核以水寘之少頃成酒乃真酒樹也有酒山
南昌國僊山泉也有酒泉涼州地水也 草曰屠
蘇冠幘曰屠蘇屋曰屠蘇酒亦曰屠蘇 將離贈
芍藥芍藥亦名可離相招贈文無文無 名當歸

欲忘人之憂贈丹棘丹棘一名忘憂欲蠲人之忿

贈青裳青裳名合歡後人折柳贈行折梅寄遠

見古今注

及童子訓

又屈軼指佞

見論衡

帝休不愁

見山海經

芍藥養性

見博物志

皋蘇什忿

見王粲書

耳橐不惑

見東晉發蒙記

果有隱

夫木有女貞又有平仲君遷藥有長卿簡子樹有

長生萬年靈壽君子女貞端正皆美名也賓連澗

達平露紫脫華平恒春皆祥名也 卮言云自太

史氏謂司馬長卿所載草木鳥獸多過其實後人

相沿疑之以盧橘夏熟荅選雜枝等語皆為增飾

按西京雜記載梨有大谷細葉縹葉金葉瀚海東

王紫條紫李青李芳李各十種棗有弱枝玉門青
華赤心西王棠棗七種栗有候榛瑰嶧陽四種桃
有湘核金城綺葉紫文秦桃桴桃霜桃胡桃櫻桃
含桃十種李有青綺青房同心車下含枝金枝顏
淵紫李綠李朱李黃李羗李燕李蠻李侯李十五
種柰有白紫綠三種檀有蠻羗猴三種梔有青烏
赤葉三種棠有赤白青沙四種梅有紫葉紫萼同
心麗枝朱梅燕梅猴梅七種杏有蓬萊文杏二種
桐有椅桐梧桐荆桐三種林檎十枇杷十橙十安
石榴十棹十白銀樹十黃銀樹十槐六百四十千

年長生樹十萬年長生樹十扶老木十守宮槐十
金明樹二十搖風樹十鳴風樹十琉璃樹七池離
樹十離婁樹十白榆樹桂蜀漆樹各十栴四縱七
栝十楔四楓四後云從上林令虞淵得群臣所上
草木名二千餘種後失其本此其記憶者又茂陵
富人袁廣漢園有白鸚鵡紫鴛鴦牦牛青兕奇獸
恠禽江鷗海鶴悉沒入上林太液池中有鳴鶴舟
容與舟清曠舟採菱舟越女舟池者有洲姑樹一
株大六十圍五柞宮五柞樹蔭覆數十畝三輔黃
圖高帝時南粵王獻龍眼樹武帝於交趾移荔枝

百株植上林建扶荔宮中有菖蒲百本山薑十本
并蕉十二本留求子十本桂百本蜜香指甲花百
本龍眼檳榔橄欖千歲子并橘皆百餘本內荔枝
一株獨茂忽夕萎死守吏死者百餘夫草木多至
二千餘種則長卿所言固未虛也 餘冬序錄云
地六爲水之成數故雪花六出土之生物其成數
在五故草木皆五出惟桂乃月中之木西方地四
故花四出而金色 卮言中國初無西瓜見洪忠
宣皓松漠記聞蓋使金虜貶遞陰山於陳王悟室
得食之云種以牛糞結實大如斗絕其冷可燭暑

疾丹鉛餘錄引五代邵陽令胡嶠陷虜記云於回
紇得瓜名曰西瓜其言與忠宣同以爲至五代始
入中國按忠宣使虜乃稱創見則嶠嘗之於陷虜
之日而不能種之於中國也其在中土則自靖康
而後其在江南或忠宣移種歸耳又古人以瓜紀
時故稱瓜時而
往見爾
雅翼

疆識畧三十卷終